

國

權

K248.043
1/6

K248.043

1/6

國

權

六

國權卷八十五

鹽官談遷孺木著

壬戌天啓二年

正月朔。蘭賊數千人大噪而出。爲旱船。形如舟。高丈許。長五百尺。樓數重。標羽旂。簾弗左右。板如平地。一人披髮仗劍居。中數百人各挾機弩。牛羊千。運石穀行之。旁翼兩雲樓。如左右廣。俯視城中。老穉皆哭。變元曰。此呂公車也。破之。非礮石不可。以巨木爲杆柱。置軸柱間。轉索運杆。千鈞之石。飛擊如彈丸。賊舟不得近。復募死士擊敗之。裨將劉養鯤言。諸生范祖文陷賊中。遣孔之譚來言。賊將羅乾象欲歸正。變元卽遣之。譚復往。與乾象俱來。變元與飲。戊樓酣寢。達旦。乾象誓以死報。縋而出。後賊營纖悉畢知者。乾象之力也。又使牙將周斯盛詐降。質其來。預伏待之。崇明果至。甫懸一人上。守兵不知而噪。崇明走免。獲其從騎數人。崇明謀遁。乾象內變。四面火起。崇明父子拔營走。乾象來歸。成都圍凡百有二日而解。賊歸重慶。

辛丑。會議經撫。張問達主責成。經撫功罪一體。王紀議罷經略。周如磐專用遼撫。黃克纘周道登李宗延專任經略。張鳳翔議經略應削級待罪。何士晉令責二臣分任其事。王永光主撤經略。陸巡撫任之。上諭其協心並力。功罪一體同論。

禮部主事劉宗周上言。亟伸討賊之法。陷撫順清河。縱敵得志。巡撫李維翰也。棄開原而逃。推官鄭之范也。通虜速禍。經略楊鎬總兵李如楨也。航海遁逃。監軍高出胡嘉棟。康應乾贊畫。劉國縉也。逃而待罪。境上理餉。傅國監軍牛維曜也。身坐虜族。不自歸里。反以知縣陞僉事者。佟卜年也。亡功受上賞。遙制山海。不能輯和。撫臣必喪全遼。今經略熊廷弼也。通夷啓釁。奸璫盧受也。受之黨。弒君漏網。奸璫崔文昇也。凡此諸臣。異名同罪。異

罪同情。麗以五刑而輕重布之。又何道焉。時滇賊蠡起。在霑益曰設科。曰李賢。在平夷曰補鮮亦佐。曰安應龍。在羅平曰阿應。在武定曰張世臣。而羅平爲劇。洱海道副使黃□□監軍援黔。次曲靖。水西土同知安邦彥糾安效良同叛。殺都司李天常楊明廷。滇兵殲焉。

甲寅。刑部員外郎徐大化劾熊廷弼。

丁巳。建虜破西平堡。初。敵分三路。入自柳河。三岔。黃泥窪。聯木爲筏。乘流至狹處渡河。直攻西平。參將羅一貴力禦。傷敵甚衆。圍數日不下。化貞遣總兵祁秉忠劉渠往援。而巡撫中軍孫得功及黃進前通敵。令攻中路。于是二將俱沒。一貴力竭死之。屠其城。

戊午。廣寧兵潰。時建虜屯鎮靖堡。伏而未動。經略自右屯聲援。敵亦防變。駐沙嶺。遣游騎前哨得功。欲生縛。巡撫以爲功。訛言敵已薄城。迎降者免死。人爭昇香亭迎之。總兵江朝棟監軍高邦佐禁之。不能止。化貞方闔署。不知也。賴朝棟掖之出城。乃免。邦佐自經。其僕高永亦從死。熊廷弼聞變東馳。遇化貞于前屯。化貞流涕。廷弼但哂而已。遂聯轡入關。所過悉令焚毀。云無以資敵。于是關外民居著積爲盡。乙酉。建虜始入廣寧。河西流人及逃兵亡慮數十萬。奔竄入關。薊督王在晉移鎮山海。疑來奸宄。閉關不納。廷弼極言保任得入。報至。朝廷震動。

壬戌。兵部左侍郎王在晉乞賑渡海遼民。命發帑金十萬往賑。

癸亥。黃克纘進太子太保。改兵部尚書協理戎政。

兵部尚書張鶴鳴自請視師。進太子太保。賜蟒玉尚方劍。

甲子。魏養蒙爲南京兵部尚書。

禮科給事中惠世揚糾南直貢士高如麟順天貢士張惟勤查廷櫨浙江貢士錢千秋賄中。

乙丑。諭兵部。令廠衛緝京城奸謬。禁居民放砲及各官歸寧。貢士私還者罪之。

水西賊攻安順。安莊永寧諸城土司羅應魁僞順天王。沙國珍僞忠順王。何五僞成天王。

二月。勦朔。戊辰。監軍高出胡嘉棟再逃。逮之。

辛未。命大學士何宗彥。朱國祚主會試。初擬顧秉謙副考。上以首科。特用二閣臣。

兵部左侍郎王在晉。請招遼東潰兵流民從之。

吏部舉卓異布政洪翼聖等二十二人。

壬申。王在晉言。撫臣王化貞孤軍駐前屯。同寧前道張應吾相守。聞芝蘆灣尙有米二十萬石。覺華島米六萬石。事尙可爲也。宜收復寧前。自贖于法。可寬上從之。

癸酉。御史江秉謙劾尙書張鶴鳴郎中耿如杞。

甲戌。夜。月犯天關星。

丁丑。逮王化貞。免熊廷弼。聽勘。

庚辰。諭加派。以北直隸頻年煩累。免之。有司團練鄉兵。遼民來歸內地。發穀賑濟。俾墾閒田。錄其智勇。王紀爲刑部尙書。

水西土目安邦彥反。犯貴州。初。蘭賊久圍成都。誑檄諸夷云。克成都。以金帛贖諸蠻。水西安氏與蘭世仇。宜慰使安位。幼弱。邦彥以支庶擅政。聞蘭已得蜀。亦欲乘間據黔。而蘭賊交倚爲逆。解仇暗結。又招合諸夷。勢復逞。

乙酉。霪霖。叛酋設科攻平夷。衛陷之。

丁亥。解經邦爲兵部右侍郎兼右僉都御史。經略遼東。

壬辰。刑部主事王之寀言。國仇未報者三。一爲李可灼誤用藥。引進者誰。崔文昇故用藥。主使者誰。一爲張書紳深入敵巢。致銀三千兩。帶書嫚罵。則盧受爲之。鄭貴妃主之。方從哲聽之。其一爲張差突犯宮庭。禍生莫測。乃劉廷元以風顛具奏。胡士相等以賣柴成招矣。總之用藥即通虜之術。通虜即挺擊之謀也。上以已經皇祖處分。不必追論。

癸巳。兵部左侍郎王在晉覆奏右庶子張鼎撫諭西虜之策曰。虎墩兔愁牽制諸部。即建虜亦屬之。往年懸祖父嘗欲我貢市。王爵如俺答故事而不得。抱恨終身。豈肯坐視。如踞遼陽。甘自斷其衣食之路乎。且以廣寧至山海論之。其市有高臺堡興水堡鎮遠關大福堡太康堡。其長六十。惟利是求。部落既衆。市有分地。我之布帛諸物。彼日用所需。而彼之馬牛。非我市不售。即一部思逞。各部亦不相從。我力不能守廣寧。敵未至先潰。彼完而歸。我則數十萬金亦何足惜。令長爲我護邊。即加爵許貢。養我兵力。亦轉敗爲功之策。何閉關絕約。他日遺肩背之剝膚哉。上是之。

甲午。敕陽武侯薛濂奉命招集潰兵。王在晉上言。潰兵已過通州玉田。無可招。莫若令招真保土兵各五千人。許之。

乙未。王永光爲戶部尙書。總督倉場。陳薦爲南京戶部尙書。車駕主事來斯行言。臣昔任永平推官。餉臣委勘北岸海道。自天津北至灤河。至芝蕨灣前屯等處。土人言樂亭海外有諸島可居。辛酉。臣調河間。白之撫臣畢自嚴。遣官閱之。云自樂亭出海三十里。有曹寶店青坨。曰將軍坨。曰魚岡。皆周圍不過二十里或十里。而離西北岸青河口約二十餘里。地名月坨。周四十里。與前曹寶店相聯。南可望登萊。東可探金復。北可瞰山海。西可衛天津。誠要區也。又青河口北十五里馬頭營。永樂間曾移輜重營兵千人在彼防禦。至今有坐營官一員。守兵百名。時撫臣分天津水兵發管大藩金冠。應援遼海。僅新招三千六百名。陸兵一百二十名。今且發三千應。

調矣。臣之愚謂宜令管大藩金冠之兵盡歸月垞。立寨屯田。而遼民來歸者安插其間。敵不能飛渡而西也。留新兵三千名屯馬頭營。山海有警。朝呼夕至。策無加于此者。命議行之。斯行尋陸天津監軍道。又言。成覺華島。其便有六。一不由彼途。絕其牽制。一密招叛將。恢復廣寧。一燒毀浮橋。斷其援路。一徐施方略。可襲遼陽。一伺探瑕隙。疾趨蓋套。一分兵旅順。照應朝鮮。故覺華者。前茅也。山海者。中權也。月垞者。後勁也。一應舟車之物。皆造于馬頭營。屯兵閒整以待。可濟海島。可援榆關。又言。天津自大沽出海至旅順有二道。南道自登萊而往。一千六百二十里。北道自順永而往。一千三十里。自旅順至鴨綠江七百四十里。今詢之熱海道者。又曰。月垞與旅順正對。自月垞不歷北岸。徑渡可五百里。而由月垞趨覺華島。亦不必由山海寧前。可二百里而至焉。

三月。酹朔。大學士劉一燝罷。

戊戌。給事中周朝瑞等。糾奸相沈淮典兵。募五百人。聲據輦轂。或伺大內隱事以告人。既不住遼。又不往蜀。歲糜金錢六七萬。近又遣門客顧思忠募兵一萬。債輟短憤。意欲何爲。請以問之。淮又陰使門客晏日華潛入大內。誘劉朝等練兵。引賊入室。駙馬王昺竟自招兵。馴至親王招兵。長史亦招兵矣。解經邦辭經略遼東之命。削籍。

癸卯。設科敗官兵于黑橋。結安邦彥奢寅。遂欲犯曲靖。敗于元江。

甲辰。王在晉爲兵部尙書兼右副都御史。經略薊遼。

李長庚爲南京刑部尙書。

己酉。給事中惠世揚等復糾沈淮。

四川巡撫右僉都御史朱燮元遣羅萬象復江安。

辛亥。策貢士三百五十人。賜文震孟等進士及第出身有差。

甲寅。御史陳保泰劾登撫陶朗先并募兵何棟如。給事中侯震陽疏論輔臣。未及朱國祚典試。特由中旨。宜謝事。國祚遂請告。庚申。設科攻陸涼州。殺補鮮。

以孫承宗爲兵部尙書兼東閣大學士。

四月。餉。給事中朱童蒙等糾張鶴鳴何棟如。

川兵復新都。初。奢賊據新都。繕城積粟爲守計。因陷安岳。攻保寧。人心大震。安綿副使劉芬謙湖廣監軍楊述程。合兵攻之。兵至牛頭鎮。賊騎數千步萬人來援。秦良玉譚大孝等夾擊敗之。遂復新都。賊退蘭州。復遵義府。時湄潭叛民王倫引賊焚掠。湄潭爲川貴險要。都司陳一龍追至水西境。降之。諸軍進駐遵義。惟重慶尙爲賊巢。

戊辰。雲南巡撫閔洪學上言。黔者滇之門戶。黔有梗則入滇無塗。爲今日計。惟有亟通粵西一路。自廣西田州達滇之廣南。須于其地添設公館。措置廩餼。上從之。

己巳。德勝門玄帝廟枯槐自焚。

光祿寺少卿高攀龍上言。釋羣疑。銷隱禍。乞將鄭養性一家發回原籍。李如楨崔文昇速正典刑。登萊巡撫陶朗先免。

辛未。姚思仁爲工部尙書。袁可立爲右僉都御史。巡撫登萊。余茂衡爲右僉都御史。協理戎政。李邦華爲右僉都御史。巡撫天津。

己卯。禮部尙書孫慎行上言。綱常大分宜明。弑逆顯形難掩。李可灼進紅丸。乃方從哲所進。春秋許世子進藥于父。父卒。書許世子弑君。然則從哲宜何處焉。速劍自裁。義之上也。闔門席蓐。義之次也。乃宴然支辨。可灼僅

累回籍。豈以己實薦之。恐與同罪乎。臣以爲縱無弑心。却有其事。實錄中卽欲爲君父隱諱。必直書方從哲進紅丸。須臾帝崩。恐無能爲萬世解矣。乞皇上令廷臣公議。置之極刑。上令廷臣會議以聞。

庚辰。熊廷弼王化貞獄上。論死。

辛巳。董應舉爲太僕寺卿兼御史。屯田天津至山海關。安插遼民。

癸未。左都御史鄒元標上言。乾坤所以不毀者。惟綱常。而綱常所以植立者。惟信史。先帝一月仁政。媲美堯舜。宜速登信史。乃纂修諸臣。謂光宗大事。令人閣筆。近讀孫慎行疏。神骨爲悚。旣不申討賊之義。反行賞奸之典。卽謂方從哲無其心。無能以解人之疑也。

丙戌。邳州桃源沐陽大雨雹。

己丑。京師大雨雹。

琉球國世子尙豐。遣毛鳳儀蔡璧入貢請封。時登極大婚。詔夷使私請賁。巡撫商周祚以遠夷不諳大體。姑置之。

辛卯。設科攻竊益。

五月。朔朔。丁酉。給事中章允儒言。頃見織造太監李實參知府張宗衡等。皇上因而罰治之。此端一開。後將何極乎。

癸卯。刑部尙書王紀糾沈灌。御史潘雲翼復劾之。

戊午。復給事中魏應嘉御史馮三元張修德官。

山東巡撫趙彥報妖賊徐鴻儒倡亂。鴻儒鉅野人。以白蓮教惑衆。與深州王好賢景州于弘志通密約。八月望日。三方同起。而鴻儒以他事先發。在下家屯刑牲誓衆。寄家梁山泊。據梁家樓爲巢。攻鄆城。知縣余子翼遁。遂

據之。曹漢騷動。

諸軍進逼重慶。初。崇明父子據瀘。依樊龍爲援。龍踞重慶。已九閱月。其城三面臨江。春水泛漲。瀾漫不可渡。其出入必經之要道。惟佛圖關至二郎關一路。賊自通遠門至二郎關連營十有七。宿精兵數萬。總兵杜文煥率參將楊克順直攻賊營。寨民屏率石柱兵逃出。其後賊驚敗。遂復佛圖二郎關。殺賊三千餘人。進逼重慶。壬戌。四川巡撫朱燮元復建武長寧。擒僞相何若海。別將及酉陽石柱之兵殺樊龍張彤。遂復重慶。六月。弘朔。丙寅。予文學博士方孝孺祭葬。

丁卯。鍾羽正爲左僉都御史。

四川巡按御史張論言。蘭賊奢崇明糾水西賊攻破長寧珙縣。犯敘州。

庚午。妖賊攻鄒縣。署印通判鄭一傑遁。進攻滕縣。知縣姚之胤遁。時括餉俱盡。至是無餉可給。魯王捐貲保城。上賜璽書褒之。山東都指揮使廖棟破武安賊巢。斬三千餘級。賊奔梁家樓。都指揮使楊國盛斬賊千級。官軍復追之。又斬二千餘級。遂復郟城鉅野。

乙亥。貴州宣慰同知安邦彥叛。邦彥。安堯臣別支也。堯臣冒隴姓。並隴地受撫。得襲兄疆臣世職。堯臣死。妻奢社輝。子安位幼。邦彥挾之反。與土目安邦俊魯連安若山陳其愚陳萬典等俱叛。都司楊明廷以三千人敗沒于畢節。參將尹啓易自烏撒奔回霑益。炎方松林皆不守。平夷衛亦爲賊黨李賢所破。賊圍普安安南。雲南都司李天常帥兵四千救之。賊將羅應奎僞降。誘至壘水鋪。伏發。全軍皆沒。于是曲靖武定尋甸嵩明之間騷然苦兵矣。賊分遣王倫石勝破甕安。襲偏沅。以斷我軍。倫等楊應龍餘孽也。洪邊土目宋萬化糾苗仲九股據龍里。邦彥自統蜀賊苗仲數萬進圍貴州。自二月初九薄城。百計攻城。撫臣李檣按臣史永安悉力禦之。賊四面伏路以斷出入。盡掘墳墓。殺掠甚慘。總兵張彥芳將兵二萬赴援。隔龍里不得進。

戊寅。吏部奏卹。錄馮應京吳寶秀李沂曹學程盧洪春王正志華鉦王之翰吳應鴻俱贈少卿。爲一等。次則顧憲成張棟李獻可孟化鯉傳好禮雒于仁王敦涂杰范備何選楊文煥王之棟葉初春錢一本賈名儒楊其休舒弘緒吳之臣陳尙象安希范張貞觀王如堅沈璟吳弘濟顧文選于孔兼楊天民陳嘉訓遂中立張同德時偕行鹿久徵劉仕瞻鄒邦彥耿隨龍馬經綸宋燾黎道照林培戴士衡錢養廉穆深劉道亨陳泰來王紹先甯時鏌陳繼春費必興萬國欽劉文卿彭應參朱長春王學會朱維京喬胤王士騏吳文梓馮生虞劉弘寶劉爲楫諸壽賢柴恪俱贈少卿。

己卯。給事中沈惟炳劾沈淮張鶴鳴。淮引疾求去。不許。

辛巳。安邦彥破烏撒衛。指揮管良相死之。初。水西未叛。良相語李標曰。奢賊反。安必繼之。黔中無兵餉。猝然有變。計將安出。宜招兵萬人。積二年穀。用許成名將之。以觀其變。標以力不能止。良相以祖母病。乞假去。泣曰。烏撒孤城。且與安效良相仇。水西有難。禍必首及。良相願以死報國。乞將長策保此一方。標亦泣去。甫一月而難起。烏撒首被賊破。良相自縊死。王三善進兵平越。兵止萬人。副總兵徐時逢參將范仲仁不相能。仲仁先進。遇賊于甕城河。戰不利。時逢不救。敗績。馬一龍白自強殲焉。

己丑。刑部尙書王紀初糾屬官徐大化曠職。九月不入公署。引蔡京爲言。蓋刺大學士沈淮也。至是遂上言。宋奸臣蔡京。天資凶譎。與同文館獄。立奸黨碑。遺禍宗社。茲輔臣沈淮。公論不齒。以宵人擁戴而玷揆席。內結奧援。外連僉壬。招權納賄。非一日矣。試取惠世揚周朝瑞魏大中董羽宸之疏細按其事。其結交魏進忠。與京之契合童貫同也。乞哀董羽宸。與京懇款陳瑾同也。要盟邵輔忠孫杰。與京之固結吳處厚同也。顧命元臣劉一燝周嘉謨之罷逐。視安置呂大防蘇轍何異。持正言官江秉謙侯震陽之擯斥。視貶謫常安民任伯雨何異。尤可訝者。賄交婦寺。竊弄威福。中旨頻傳而上不悟。朝柄陰握而下不知。此又蔡京百世合符者也。

遷麻吉士倪元璐黃道周等三十六人。

壬辰李可灼崔文昇戍南京。

四川巡撫朱爰元復瀘州。

七月杞朔戊戌戎政尙書黃克纘罷進太子太保。

辛丑冊薨妃范氏。

甲辰刑部尙書王紀削籍以久稽修卜年案也。初張鶴鳴行邊奏杜茂修卜年謀叛事。卜年任河間知縣。茂匿其署中三月。合謀遣茂同其二僕往李永芳約叛。事下刑部。尙書王紀問當何如。主事顧大章曰。兩人同謀三月。情既親信。論其理當見妻子。豈二僕尙不能舉其名乎。且往返數千里而不問僕姓名。今嚴訊不認。大可異也。紀然之。杜茂原登撫陶朗先千總。給千金使募兵。茂浪費不敢歸報。乃匿薊州寺中。被邏者獲之。證以奸細。其入陶幕。或卜年薦之也。後卜年論死。

丁未山東巡撫趙彥奏留秋班戍軍勦賊。可省招募之費。從之。給事中李春燁劾其養賊貽患。

戊申妖賊據夏鎮。掠糧船阻運。總河陳道亨告急。把總姚文慶集鄉勇敗之。運道復通。

妖賊攻曲阜。知縣孔聞禮率民兵力禦。賊去之。都指揮使楊國盛遇賊敗績。游擊張榜死之。賊僭稱大乘興勝元年。

景州妖賊屯阜城武邑。焚掠四十餘里。官兵誅之。

艾山賊劉永明僭稱安民王。聚黨二萬餘人。官兵破之。獲永明。臨刑猶稱寡人云。

妖賊攻兗州。總兵楊肇基擊賊。殺千餘人。賊回滕縣。

庚戌設科攻亦佐。知縣封存章。賊未至先遁。

辛亥。南京御史王允成疏劾陶朗先之罪。

禮部尙書孫慎行罷。

沈淮免。進少保。予廕。賜蟒。馳驛歸。

兵部尙書張鶴鳴免。

貴州總兵楊愈茂敗績于江門。白杵營推官郭象儀死之。遵義復陷。

八月。弭朔。丙子。孫瑋爲刑部尙書。

己卯。大學士孫承宗自請督師。經略遼東軍務。進太子太保。賜蟒玉金幣。

壬午。顧秉謙爲禮部尙書。王在晉爲南京兵部尙書。閻鳴泰爲右僉都御史。巡撫遼東。

丙戌。封皇弟信王。由檢。

己丑。設科犯越州衛。

壬辰。董漢儒爲兵部尙書。陳薦爲南京吏部尙書。

九月。弭朔。丁酉。兵科都給事中朱童蒙言。憲臣議開講學之壇。國家恐啓門戶之漸。大公之世。偶生門戶。則覺孽

必作。職業之外。分用身心。則責任不專。乞敕諭二臣。立寢此舉。攻鄒元標。馮從吾也。

己亥。加贈張銓兵部尙書。何廷魁高邦佐各大理寺少卿。

李長庚黃汝良爲南京戶禮部尙書。

辛丑。左都御史鄒元標言。天下治亂。係于人心。人心邪正。係于學術。臣等所講論者。惟是銷反側以歸正直。若分門別戶。則名教所不載也。若以臣等講學宜放。則切磋道學一語。直濟窮拔苦良方。非盡性致命妙理。亦視斯道太輕矣。臣又言。前東林諸臣。有文有行。九原已往。惟是在昔朝貴。自歧意見。一個衆和。幾付清流。懲前

覆轍不在臣等詩云。相彼鳥矣。猶求友聲。臣等求友。未得和平之韻。先來同類之疑。願罷臣以爲倡學之戒。左副都御史馮從吾言。周家以農事開國。國朝以理學開國。昨二月間。因東事暫停經筵。旋復舉行。人人稱快。臣子望其君以講學而自己。不講是欺也。倘皇上一日問諸臣曰。朕講學不知諸臣亦講學否。將何以置對也。壬寅。設科攻羅平。不克。後攻烏撒衛。陷之。

乙卯。臨洮地震。

己未。初命是日。客氏出宮。上諭內閣。客氏朝夕侍朕。今日出宮。午膳至晚未進。暮思至晚。痛心不止。着時進內奉慰。外廷不得煩激。

辛酉。演象所災。

壬戌。臨洮地復震。

山東巡撫趙彥攻滕縣。賊黨縛徐鴻儒出降。安插鄉民二萬七千餘人。獲驟馬千匹。神槍八百杆。大砲二百六。弓刀亡算。

十月癸朔。甲子。給事中侯震陽論客氏不宜自入。乞收回成命。切責之。

乙丑。李養正爲南京刑部尙書。

己巳。御史馬鳴起言。日見聖諭。保姆外出。憶念痛心。夫以一品之名號。加以第宅。廢其胤子。則酬不爲不厚矣。若內乏調護。則中闈有主。兩宮順承。左右朝夕。不可謂無人。客氏既出而復入。已去而復召。戀戀不忍割。使絲綸拂經。喜怒乖錯。豈所以令天下後世者也。極言不便有六。上欲廷杖。以輔臣解救。奪歲俸。

庚午。王之采爲刑部左侍郎。

贈袁應泰兵部尙書。廕本衛正千戶。

辛未。設科攻霑益州。尋退。復攻陷之。

甲戌。給事中郭興治糾鄒元標講學之非。大學士葉向高疏救元標。致仕。進太子少保。

陳道亨爲南京兵部尙書。楊述中爲兵部右侍郎兼右僉都御史。巡撫偏沅。蘇茂相爲戶部右侍郎兼右僉都御史。總督漕運。

戊寅。武庫員外郎顧大章。以御史楊維垣論其鬻獄。辨曰。論經論撫。救經救撫之疏。亡慮數十。揚之則九天之上。沈之則九地之下。衆論不同。舉朝聞且見之。臣議誅心。則廷弼難末減。論事則化貞乃禍魁。頗亦自謂持平。即臺臣所指八議之說。不特臣有之。全招具在。想臺臣或未竟覽也。今諸臣並論辟矣。毋論臣非鬻獄之人。且業已辟之。又何鬻焉。亡何。維垣又攻之。

庚辰。修撰文震孟上勤政講學疏。時內宴爲偶人之戲。宴畢。忠賢曰。文狀元疏中以偶人比萬歲。殆難有傳旨杖八十。閣臣力救。票罰歲俸。有旨放歸。

辛卯。庶吉士鄭鄮言。修撰文震孟疏。候命浹旬。未蒙報可。是留中之漸也。留中不下。是壅遏之萌也。壅遏不通。是竊弄之機也。本朝此弊。惟武廟與神祖末年最多。在武廟時。蓋因權璫之煬。竈在神祖時。則係奸輔之藉。叢臣歷稽史冊。凡召亂之端有二。而今皆見之。曰內降也。留中也。內降之屢旨。用以頻斥大臣。其機關使人駭。而留中之一線。或以陰淆聖慮。其徑竇使人疑。清明之朝。豈宜有此。願皇上早圖之也。上諭。朝儀大典。累朝成規。文震孟如何比擬偶人。鄭鄮黨護同鄉。俱降二級調外。

有龍見于北花房之河。卽太監宋晉之膳房也。其形長尺許。有爪無角。其鱗如碧。光耀目。晉以盒進之。命放黑龍潭。

十一月。暖朔。貴州巡撫李標陞兵部右侍郎兼右僉都御史。巡按史永安陞太僕寺少卿。仍舊任。

乙未。貴州巡撫王三善大會將士曰。省城不能待矣。外援不至。吾輩死法死敵等耳。尙何俟耶。命道臣何天麒督兵七千從清水江進。爲右部。道臣楊世賞督兵萬人從都勻進。爲左部。三善自將二萬與道臣向日升從中路進。當賊鋒。

戊戌。俘何若海至京磔之。

贈徐可求右都御史。世本衛正千戶。

庚子。俘徐鴻儒等至京磔于市。

辛丑。趙南星爲左都御史。房壯麗爲工部右侍郎兼右僉都御史。總理河道。

甲辰。光廟選侍劉氏封貞靜賢妃。皇弟由模追封簡懷王。皇妹追封悼懿公主。

己酉。御史梁之棟糾太僕寺少卿何棟如募兵盜餉。

辛亥。光廟選侍李氏封莊妃。東李氏。

乙卯。史永安奏。安會自二月初旬攻省城。今五閱月。又攻威清平壩。安莊普安。陷安順廣順龍里赤水。殺思石道副使孫光恕。安順推官徐朝綱。廣順知州鄭鼎。掠同知鄧以成。守備王茂德。朝綱寧晉州人。□□庚子貢士。

贈光祿寺卿。蔭錦衣千戶。鼎龍溪人。□□癸卯貢士。贈光祿寺卿。蔭錦衣千戶。

戊午。李可灼戍邊。

辛酉。妖賊平。

楊述中爲兵部右侍郎。總督貴州軍務。朱燮元進兵部右侍郎。總督四川兼制湖廣軍務。仍兼四川巡撫。左副都御史馮從吾罷。

十二月。尅朔。貴州巡撫王三善至新添。三日。次新安。四日。命劉超爲前部。三善身爲後勁。超兵始卻。超斬二人以

申令。驍賊阿成善戰。超直前斬之。賊遂披靡。進復龍里。賊復大集。力戰卻之。五日。衆議賊兵重。宜少休。三善曰。賊無備。不能持久。急擊之。勿失。六日。三善策馬先進。衆從之。安邦彥退屯龍洞。官兵奪高寨七里冲。乘勝進兵。畢節舖。孫元謨以火器擊之。楊明楷率烏羅兵並進。賊大敗。其渠安邦俊殲焉。賊棄輜重器械山積。時會城死守幾十月。至是始慶更生。三善營南門外坡上。大雪。次日。移營宅溪。諭奢社輝母子縛安邦彥降。不報。數日。左右兩部兵至。又十日。楚粵蜀之兵亦至。三善怒其後期。且憂乏食。欲因糧于敵。諸軍亦視賊若易矣。己巳。永寧伯王天瑞言。孝靖皇太后三十幽困。鄭貴妃禁制皇祖。經年不容一見。反以母妃禮事之。致皇太后積怒。淚盡目枯。請報其仇。

庚午。呂兆熊爲戶部右侍郎。總督漕運。熊明遇南京操江右僉都御史。周起元右僉都御史。巡撫應天。癸未。何熊祥爲南京吏部尙書。朱光祚右副都御史。協理戎政。孫居相右僉都御史。巡撫陝西。敍平妖功。山東巡撫趙彥加兵部尙書。餘進秩有差。給事中陳熙昌上言。東省蓮妖雖平。地方善後宜策。并請存恤。修復孟子墓廟。上從之。命官致祭。

丙戌。南京給事中歐陽調律請修建文實錄。併廟祀。命禮部議之。

癸亥天啓三年

正月。剋朔。甲午。夜。火星犯房宿第一星。

己亥。玉牒成。進葉向高中樞殿大學士。廕尙寶司丞。韓爌少師兼太子太師中樞殿。廕中書舍人。何宗彥朱國祚少保兼太子太保武英殿。史繼偕太子太保兼文淵閣。孫承宗少保兼太子太保文淵閣。並廕監。

辛丑。安邦彥糾蘭賊。與雲南安效良合衆數萬。併力攻陸廣。黔兵敗績。初。黔撫王三善分兵。一進陸廣。一進鴨